



Յետազոտական աշխատանք

Տիտղոսաթերթ (1 էջ)

<p>Կազմակերպության տվյալներ</p> <ul style="list-style-type: none"> • Անվանում, հասցե • Տնօրեն • Էլ. հասցե • Յեռախոս 	<p>«Մասնակցային դպրոց» կրթական հիմնադրամ Վահրամ Սողոմոնյան masnakcayindproc@gmail.com</p>
<p>Յետազոտության թեմա / վերնագիր</p> <ul style="list-style-type: none"> • Յետազոտության թեմա 	<p>«Հովհ. Թումանյան» թեմայի ուսուցումը 8-րդ դասարանում և ախազծային մեթոդաբանությամբ»</p>
<p>Ուսուցչի տվյալներ</p> <ul style="list-style-type: none"> • Ա.Ա.Յ. • Մասնագիտություն • Յեռախոս • Էլ. հասցե • Դասավանդվող առարկաներ • Դասարաններ 	<p>Մելիքյան Շուշան Հայոց լեզու, գրականություն Հայոց լեզու, գրականություն 5-9-րդ դասարաններ</p>
<p>Ուսումնական հաստատության տվյալներ</p> <ul style="list-style-type: none"> • Անվանումը, հասցե • Յեռախոս • Էլ. հասցե (տնօրենության) • Web կայքի հասցե 	<p>«ՀՀ Կոտայքի մարզի Բյուրեղավանի հիմնական դպրոց» ՊՈԱԿ, Բ. Բյուրեղավան, Ս. Վարդանյան 2 022265440 byureghavan2@schools.am</p>

Բովանդակություն (1 էջ)

«Հովհ. Թումանյան» թեմայի ուսուցումը 8-րդ դասարանում Նախագծային մեթոդաբանությամբ»	
Բովանդակություն.....	2
Ներածություն.....	3
1.1 Նախագծային ուսուցման հիմնական դրույթները.....	6
1.2 «Հովհ. Թումանյան» թեմայի կրթադաստիարակչական նշանակությունը միջին դպրոցում.....	11
1.3 Նախագծային աշխատանք՝ «Հովհ. Թումանյան» թեմայի ուսուցման շրջանակներում.....	20
Եզրակացություններ և առաջարկություններ.....	22
Օգտագործված գրականության ցանկ.....	24
Հավելվածներ.....	25

Ներածություն (1-ից 2 էջ)

Նպատակը եւ հետազոտական հարցը	Նպատակ - ուսումնասիրել Նախագծային մեթոդաբանության
-----------------------------------------	-------------------------------------------------------------

հիմնական դրույթները, դրա ազդեցությունը սովորողների մոտ մի շարք կարողունակությունների ձևավորման վրա, ինչպես նաև դասի օրինակով ցույց տալ նախագծային աշխատանքից ակնկալվող վերջնարդյունքներն ու դրանց հասնելու ուղիները:

Ջաբր- Ի՞նչ առավելություն ունի նախագծային ուսուցումը և ինչպիսի՞ ազդեցություն կարող է ունենալ սովորողների մոտ մի շարք կարողունակությունների զարգացման գործում:

ՆԵՐԱՃՈՒԹՅՈՒՆ

Ինչպես հայտնի է, հանրակրթության գլխավոր նպատակը սովորողների մտավոր, հոգևոր, ֆիզիկական և սոցիալական ունակությունների համակողմանի ու ներդաշնակ զարգացումն է: Այսինքն՝ նրանց համար անհրաժեշտ գիտելիքների, կարողությունների և հմտությունների ձևավորումն ու զարգացումը: Արդի կրթական բարեփոխումները էլ ավելի բարձր պահանջներ են առաջադրում

սովորողների մտավոր, հոգևոր և կյանքի համար անհրաժեշտ կարողությունների և հմտությունների տիրապետման նկատմամբ, ինչպես նաև կարողունակ ուսուցիչներ ունենալու առումով:

Ուսումնական առարկայի համար սահմանված կրթական չափորոշչային վերջնարդյունքին հասնելու համար բավականին արդյունավետ է նախագծային մեթոդի կիրառումը դասին:

Նախագծային մեթոդը կրթական մեթոդների ամբողջությունն է, որը հնարավորություն է տալիս սովորողներին ձեռք բերել գիտելիքներ և կարողություններ՝ կոնկրետ հանձնարարություններ պլանավորելու և ինքնուրույն իրականացնելու համար:

Արդյունքը՝ տեսանելի, ներկայանալի, հրապարակված աշխատանքն է: ՀՀ կրթական համակարգում այս մեթոդը նորություն է, մինչդեռ նման ուսուցման տեսակն ունի բավականին կենսափորձ ու

կիրառելիություն մի շարք
երկրներում:

Քանի որ Նախագծային
աշխատանքը սովորողին տալիս է
համալիր գիտելիք, նոր
կարողունակություններ,
գործնական հմտություններ,
կարծում ենք՝ ճիշտ որոշում է
նման ուսուցման համատարած
ներդրումը ՀՀ կրթական
համակարգում:

Նախագծային ուսուցումը
սովորողի համար այնքանով է
հետաքրքիր, որ աշխատանքների
իրականացնողը, Նախագծողը,
տեղեկատվության
համակարգողը, վերլուծողը հենց
ինքն է՝ սովորողը: Իսկ այսօրվա
սովորողը, ինչպես գիտենք, շատ
հաճախ է ուսուցչից պահանջում
հենց նմանօրինակ դասեր
անցկացնել, որտեղ ինքը կարող է
գործնականում կիրառել
տեսական գիտելիքների իր
պաշարը: Նախագծային
աշխատանքը սովորողին մղում է
մտածելու, ստեղծելու,
համեմատելու, զուգահեռներ

	<p>անցկացնելու: Սովորողը աշխատանքի ընթացքում դառնում է հետազոտող, բացահայտող, նորարար, ուստի այս աշխատանքները գրավիչ ու հետաքրքիր կարող են լինեն սովորողի համար:</p> <p>Մեթոդի կիրառությունը բավականին արդյունավետ է նաև «գրականություն» առարկայի դասավանդման շրջանակներում:</p> <p>Այդպիսով, ուսուցանվող նյութը սովորողի համար դասունում է ավելի պատկերավոր ու ընդգրկուն:</p>
<p>Թեմայի կարևորությունը և նշանակությունը Զեր/թիրախային խմբի համար</p>	<p>Աօխարհում տեղի ունեցող վտախիտությունները պահանջում են մարդուց նոր մտածելակերպ, կարողունակություններ, նոր դերեր, հմտություններ: Նախագծային մեթոդը կարող է սովորողին տալ այն, ինչ ինքն է ուզում՝ բավարարել սեփական հետաքրքրությունները, զարգացնել գործնական կարողություններ: Իսկ կրթական համակարգն այսպես լուծում է իր գերիխնդիրը՝ կրթել ու դաստիարակել:</p>

	<p>Թեմայի արդիականությունը</p> <p>պայմանավորված է ուսումնական գործընթացում կրթական առաջարկի ու պահանջարկի համընկմամբ՝ ի դեմս նախագծային մեթոդի գործադրմանը գրականության դասաժամին:</p>
<p>Ո՞ր առանցքային նկունքներ են/կարողունակությունն է ուղղված նպատակի ուսումնասիրությունը</p>	<p>Սովորել սովորելու կարողունակություն</p>
<p>Վերապատրաստման ո՞ր թեմայի շրջանակում է անդրադարձ կատարվել այս հիմնախնդրին/ուղարևին</p>	<p>«Կարողունակությունների ձևավորմանն ուղղված դաս»</p>

Պարագրաֆներ/մասեր (10-15 էջ)

<p>Գրականության ակնարկ</p> <ul style="list-style-type: none"> Մեջբերումներ արդեն արված հետազոտություններից, Մեջբերումներ գրականությունից, տեղեկության վստահելի աղբյուրներից: <p><u>Պարտադիր է կատարել հղում աղբյուրին</u></p>	<p>«Հովի. Թումանյան» թեմայի ուսուցումը 8-րդ դասարանում նախագծային մեթոդաբանությամբ»</p> <ul style="list-style-type: none"> Նախագծային ուսուցման հիմնական դրույթները <p>Նախագծային ուսուցումը ուսուցման դիպակտիկ համակարգ է, իսկ նախագծային մեթոդն այդ համակարգի բաղադրիչ է, մանկավարժական տեխնոլոգիա, որը ներառում է ոչ միայն գիտելիքների ինտեգրումը, այլև գիտելիքների կիրառումը, նորերի ձեռքբերումը:</p> <p>Նախագծային մեթոդը հետազոտական, ստեղծագործական մեթոդների համադրություն է, որի կենտրոնում սովորողն է: Այստեղ ուսուցչի մասնակցությունը սահմանափակվում է մեթոդի, համակարգողի, փորձագետի, խորհրդատուի և ուղղորդողի դերով: Նախագծային մեթոդի հիմնական նպատակը</p>
--------------------------------------------------------------------------------------------------------------------------------------------------------------------------------------------------------------------------------------------------------------	------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

սովորել սովորեցնել սովորողին՝ ամեն կերպ խթանելով վերջինիս ինֆնուրայն գործելու, պրպտելու, գտնելու, գիտելիքը գործնականում կիրառելու, սեփական կարծիքն ու դիրքորոշումն առանց այլ ազդակների ներգործության հայտնելու կարողության ձևավորումն ու զարգացումն է: Որպես նախագծային մեթոդի վերջնարդյունք՝ կարելի է համարել՝

- հանաչողական հմտությունների զարգացում, սեփական գիտելիքներն ինֆնուրայն ձևակերպելու հմտություններ,
- ՏՀՏ գործիքներ կիրառելու, տեղեկատվական հարթակներում կողմնորոշվելու կարողություն,
- ֆննդատական մտածողության ձևավորում,
- կալեկտիվ մտածողության ձևավորում, թիմային աշխատանք,
- Աշխատանքի ընթացքում ինտեգրված գիտելիքների ձեռքբերում,
- սովորել սովորելու կարողունակության, ինֆնանհանաչողական և սոցիալական կարողունակության ձևավորում:

Նախագծային մեթոդի հիմքում ընկած են ամերիկացի փիլիսոփա և մանկավարժ Ջ.Պյուլի կողմից առաջ քաշած մանկավարժական հասկացությունները, ով դրանք գործնականում կիրառել է Ջիկագոյի փորձարարական լաբորատոր դպրոցում 1896 – 1904 թվականներին: Ջ.Պյուլին կարծում էր, որ դպրոցի բոլոր գործողությունները

պեւտ է ուղղված լինեն սովորողի մտածողության ձևավորմանը, որը հիմնված է անձնական փորձառության վրա: Ըստ Դյուիի՝ մեթոդը տալիս էր այնպիսի պայմաններ, որոնք հարմարեցված էին անհատական կարիքներին և կարողություններին, ինչպես նաև կարող էր ապահովել դիտարկման, ներկայացման, հետազոտության, գաղափարների մշտական զարգացման համար համապատասխան պայմաններ:

Նկատենք, որ նախագծային մեթոդը մանկավարժության մեջ նորույթ չէ, ավելին՝ միջազգային կրթական առաջավոր համակարգերում մեթոդի արդյունավետությունն ու կառուցվածքը բավականաչափ ուսումնասիրված է:

Նախագծային ուսուցման գերիջնդիրն է սովորողներին տալ հնարավորություն գործնական խնդիրների կամ առաջադրանքների լուծման ընթացքում ինքնուրույն ձեռք բերել գիտելիքներ, գտնել դրանց կապը կենսագործունեության հետ և կիրառել: Ցանկացած նախագծի հիմնական նպատակն է տարբեր կարողությունների ձևավորումը, որոնք ժամանակակից մանկավարժության մեջ անվանում են անձնային համալիր առանձնահատկություններ: Այն

է՝ գիտելիքների, հմտությունների, արժեքների փոխկապակցում, ինչպես նաև համապատասխան իրավիճակում նրանց հավաքագրում և կիրառելու պատրաստակամություն:

Նախագծային մեթոդը ստեղծում է նպաստավոր պայմաններ հետևյալ կարողությունների ու հմտությունների ձևավորման ու զարգացման համար.

- Ռեֆլեկտիվ հմտություններ
- Որոնողական, հետազոտական հմտություններ

- Համագործակցային հմտություններ, կառավարման կարողություններ, հմտություններ
- Շնորհանդեսների, ամփոփիչ տարաբնույթ աշխատանքների պատրաստման հմտություններ՝ այդ թվում S2S գործիքների օգնությամբ
- Ներկայացման հմտություններ:

Նախագծային մեթոդի տարբերությունն այլ մեթոդներից այն է, որ հնարավորություն է տալիս սովորողների մոտ մեկ աշխատանքային գործունեության ընթացքում միանգամից զարգացնել համալիր կարողունակություններ: Այս աշխատանքը սովորողին տալիս է մի շարք առավելություններ, դրանք են՝

- սովորողի հետաքրքրությունների շրջանակի բացահայտում,
- սովորողի գիտելիքների և կարողությունների պրակտիկ կիրառություն, ինֆորմություն,
- ստեղծարար մտածելու և գործելու կարողություն, նախաձեռնողականություն
- արդյունքի ներկայացում, նախագծելու, համակարգելու, հարմարեցնելու, որոնելու կարողություն,
- S2S կիրառելու կարողություն,
- կուլեկտիվ աշխատելու ունակություն:

Նախագծային գործունեության նախագծումը բավականին աշխատատար ընթացք է, ունի հստակ փուլեր, դրանք են՝

- Թեմայի կամ գործունեության ընտրություն
- Աշխատանքի ընթացքի պլանավորում
- Տեղեկատվական հոսքերի կառավարում,
տեղեկատվության փոխանցում
- Գործընթացի կազմակերպում, գործընթացի
իրականացում
- Արդյունքների ցուցադրություն

Նախագծային ուսուցման մեթոդը ուսումնառանաչողական և համատեղ աշխատանքի կազմակերպման ձև է, որում ներգրավված են դասավանդողներն ու ուսումնառուները:

Նախագծային ուսուցման միջոցով ստացած ամեն գիտելիք կամ հմտություն լիովին համապատասխանում է ՅՈՒՆԵՍԿՕ-ի կրթության չորս գերակայությունների տրամաբանությունը՝ սովորել իմանալու համար, սովորել կիրառելու համար, սովորել լինելու համար, սովորել միասին ապրելու համար: Ուսումնական նախագծերը սովորողների համար ունակ են նպաստավոր պայմաններ ստեղծել սեփական հնարավորությունները ճանաչելու և զարգացնելու համար, ինչը ենթադրում է ինֆորմացիոն տարրերի կատարելու կարողության ձևավորում

Ուսուցչի դերը նախագծային ուսուցման գործընթացում անչափ կարևոր է. սովորողներն իրենց ուսուցչին դերային մոդել են համարում:

Մանկավարժական աշխատողը պարտավոր է նպաստել ուսումնական հաստատությունում սովորողների կողմից հանրակրթական (հիմնական և լրացուցիչ) ծրագրերի

յուրացման և առարկայական չափաբեռնիչների ապահովման գործընթացին, ինչպես նաև ուսուցման մեթոդների կիրառման միջոցով համապատասխան գիտելիքների, հմտությունների ձեռքբերմանը, արժեքային համակարգի ձևավորմանը, իրականացնել հանրակրթական ծրագրերը:

Նախագծային աշխատանքը հետաքրքիր է նաև նրանով, որ քիմային աշխատանքի ժամանակ սովորողներն էլ ավելի են մտերմանում, փորձում են օգտակար լինել միմյանց համագործակցում են: Անգամ թույլ սովորողներն այստեղ սովորում չեն մնում, բոլորը նախագծում և ուսումնասիրում են համաչափ, բարձրանում է պատասխանատվության զգացումը, սեփական ներդրումն ունենալու ձգտումը:

«Գրականություն» առարկայի շրջանակներում ևս կարելի է մշակել հետաքրքիր նախագծեր: Մեծ գրողների կյանքի և ստեղծագործական ժառանգության ուսումնասիրություն, նրանց սերունդների ու ժառանգների հետ հանդիպումներ, այցելություններ քանգարաններ, սրահ համալիր գործողություններ են, որոնք, մեկ նախագծի մեջ համագարգելով, սովորողներն ավելի խորֆային կարող են հասկանալ ուսումնական նյութը, որն առավել էան առարկայական ու տեսանելի կդառնա վերջիններիս համար:

Այսպիսով, աշակերտները կատարում են հետազոտություններ, վերլուծում տեղեկությունները, աշխատում նախագծի վրա, պատրաստվում նախագծի պատասխանությանը:

Պատասխանությունը աշխատանքի վերջնական արդյունքն է, որը կարող է լինել ցանկացած բնույթի՝ կախված սովորողների ստեղծագործական մոտեցումներից: Հասվի առնելով այն հանգամանքը, որ նախագծային ուսուցումն ուղղված է

սովորողների կարողականությունների ձևավորմանը՝ ուստի առաջնահերթություն է սրվում գնահատման ձևավորող համակարգի օգտագործմանը:

Աշխատանքի ավարտին սովորողները ներկայացնում են ուսումնական նախագիծը, մասնակցում խմբային վերլուծությանը, արդյունքների գնահատմանը:

1.2 «Հովի. Թումանյան» թեմայի կրթադաստիարակչական նշանակությունը միջին դպրոցում

Ուսուցիչը դասապրոցեսի ընթացքում հնարավորություն ունի առարկայական ծրագրերի բովանդակության յուրացման միջոցով սովորողների մեջ սերմանել քաղաքական, իրավական, բարոյական, գեղագիտական, բնապահպանական և այլ գիտելիքներ ու վերաբերմունք: Կրթության բովանդակության հետ միասին ուսուցման մեթոդները ներգործում են աշակերտների հանաչողական ունակությունների վրա՝ նրանց հնարավորություն տալով ստացած գիտելիքները կյանքում օգտագործելու ըստ նպատակի: Յուրաքանչյուր դասի ժամանակ ուսուցիչը որոշակի դաստիարակչական խնդիրներ է լուծում՝ հաշվի առնելով տվյալ առարկայի և թեմայի ուսումնասիրման հիմնական խնդիրները, որոնք ներկայացված են առարկայական ծրագրերում: Ուսուցիչը ուսուցման կազմակերպման տարբեր ձևերի ընտրության միջոցով առավել արդյունավետ է դարձնում սովորողների գիտելիքների ձեռքբերման, հմտությունների ու կարողությունների ձևավորման, դաստիարակչական խնդիրների լուծումը: «Գրականություն» ուսումնական առարկայի դասաժամը նույնպես լավ հնարավորություններ է տալիս ուսուցչին

դրական ու արժեքավոր սերմեր տալ սովորողին: Այս առարկայի դասերին ուսուցիչը պետք է փորձի համագործակցային հարաբերությունների միջոցով նախ և առաջ ձևավորի ստեղծագործական ու ֆիննադատական մտածողություն, գեղարվեստական գրականությունից վերցված կյանքի այլևայլ իրավիճակների օգնությամբ սովորողների համար ստեղծի այնպիսի իրավիճակներ, որոնցում վերջինս ստիպված է մտածել, որոնել, փնտրել, դասդասել, հատկանշավորել, կարծիք ու դիրքորոշում հայտնել: Նման հնարավորություն կարող է ստեղծել նախագծային ուսուցումը, որի շրջանակներում պրակտիկ ուղղվածությունը ձևավորում է ստացված գիտելիքներն ու հմտությունները առօրյա կյանքում օգտագործելու կարողություն: Նախագծային ուսուցումը կարելի է դիտարկել որպես կարողունակությունների ձևավորմանն ուղղված կրթության տեսակ:

Կարողունակությունների ձևավորմանն ուղղված կրթությունն ուղղված է սովորողի կողմից ուսումնառության և դաստիարակության գործընթացում ձեռք բերված գիտելիքի, արժեքների, հմտությունների և դիրքորոշումների հիման վրա ըստ իրավիճակի արդյունավետ ու պատշաճ արձագանքելու ձևերի ուսուցմանը: Կարողունակությունները ձևավորվում են սովորողի ուսումնառության ընթացքում ուսուցման կազմակերպման տարբեր ձևերի, սովորողի կողմից ուսումնական առարկաների ծրագրերի բովանդակության յուրացման, ինչպես նաև ուսուցման գործընթացում դաստիարակության միջոցով և բխում են հանրակրթության հիմնական նպատակներից:

Կարևոր է սովորողներին ծանոթացնել աշխատանքի արդյունքները մարդկանց պրակտիկ կարիքներին ծառայեցնելուն, գրական կերպարների օգնությամբ վերջիններին մոտ ձևավորել բարձր ֆաղափացիականությանը պատկերացումներ, ցույց տալ անձի բարոյական հիմքերի առաջնահերթությունը, ամրապնդել սովորողների հայրենասիրական, գեղագիտական, հոգևոր դաստիարակության հիմքերը, զարգացնել հուզական արժեքային մտածողություն:

Այս ամենին հասնելու հանապարհին ուսուցչին օգնության է գալիս մեծն բանաստեղծ Թումանյանը:

Հանրակրթական դպրոցի միջին օղակի 8-րդ դասարանի ծրագրով սովորողները ավելի խորֆային են ուսումնասիրում Թումանյանի կյանքն ու ստեղծագործությունները: Մեծն Թումանյան ինքն էր օժտված մեծագույն մարդկային, բարոյական, հումանիստական, ազգասիրական արժեքներով, և անհնար է այս արժեքները չնկատել իր իսկ ստեղծագործություններում: Թումանյանի գրական անգին ժառանգության մեջ առանցֆային տեղ են գրավում դպրոցին, ուսուցչին և մատաղ սերնդի կրթության ու դաստիարակության վերաբերող հարցերը, որոնց մեջ բարձրացված գաղափարներն այսօր էլ պահպանում են իրենց արդիականությունը:

Թումանյանի համար աներկբա էր, որ կրթության ու դաստիարակության գործում վեհական դեր է կատարում ուսուցչի դրական օրինակը, ուստի ամենից առաջ ինքը մանկավարժը պետք է օժտված լինի մարդկային արժանապատվությամբ, ունենար խոր ու հաստատուն գիտելիքներ: «Ուսուցիչը դպրոցին հոգի ներշնչողն է, նրա պատիվը, նրա վառքը», - ասում է Թումանյանը:

Իզուր չէ ասված, որ թումանյանական խոսքը տարիք չի
հանաչում. արդեն միջին դպրոցում ավելի խորֆային
ուսումնասիրելով մեծն բանաստեղծի գրական
ժառանգությունը՝ սովորողներն արդեն ուրիշ աչքերով են
նայում բանաստեղծի գաղափարներին, ավելի հասուն ու
խորֆային են ընկալում ու հասկանում գրողի կոչերը,
հորդորներն ու կյանքի դասերը:

Ամեն մի ստեղծագործություն ունակ է մի նոր արժեք, մի
կարևոր դաս տալ սովորողին, ստիպել վերանայել սեփական
վարքը, սկզբունքներն ու համոզմունքները
«Հայրենիքնիս հետ» բանաստեղծության ուսումնասիրությունը
Ց-րդ դասարանցուն պետք է տա հայրենասիրության մեծագույն
չափաբաժին, նա պետք է տեսնի թումանյանական
ազատասիրական ոգու ուժը, պետք է գիտակցի, որ գլուխը կախ
չի կարելի ապրել, պետք է պայքարել հայրենիքի ազատության,
բարգավաճման համար: Հատկանշական է, որ
բանաստեղծությունը Թումանյանը գրել է Մեծ եղեռնի օրերին.
Նրա յուրաքանչյուր տունը մեր պատմության մի պատասխին է:
Առաջին 2 փուլատողերում «Ջարկված ու գրկված, ողբի ու
ուրբի հայրենիքի» պատկերներն են, իսկ երրորդը և չորրորդն
ավարտվում են «Լույսի և հույսի, նոր ու հզոր հայրենիք»
արտահայտություններով:

Կարծում ենք՝ հեղինակը բանաստեղծությամբ սերունդներին
ուզում է ասել, որ հայն իրավունքն չունի պարտվելու, գլուխը
կախ մորթվելու:

Թումանյանը իր հրապարակախոսական երկերում ֆննդատել
է տգիտությունը, խավարամտությունը, բարձր գնահատել
կրթությունն ու արժանապատիվ ուսուցիչներին:

Այս ամենին գեղարվեստական ձև տալով՝ ստեղծվել են նրա բազմաթիվ հեֆիաթները, պոեմներն ու բանաստեղծությունները, որտեղ կարմիր գծով դատապարտվել են մարդկային արատները, կաղապարված ու ազգային արժեքների ու ավանդույթների տակ բողարկված աղաթները, մարդկային հիմարությունը, սգիտությունը, սուտը, դավաճանությունն ու խարդախությունը:

«Թմկաբերդի առում» պոեմը ոչ միայն սովորողին ցույց է տալիս դավաճանության խարանը, այլև նպատակ ունի բացահայտել մարդկային ազնվության, հավատարմության, սիրո, ընտանիքի, հայրենիքի վեհությունը: Թշնամու խարդախության ու կնոջ դավաճանության օրինակով Թումանյանը բնավ էլ նպատակ չունի վատ օրինակը շեշտադրել, այլ այստեղ նրա հիմնական նպատակն է ցույց տալ անպարտելի Թաթուլ իշխանի ուժը, նրա կամային ու հայրենասիրական բարձր որակները: Հենց սա է, որ Ուսուցիչը պետք է սերմանի իր սովորողի մեջ, վատ օրինակի շեշտադրմամբ ցույց տա մարդկային վեհ արժեքների կարևորությունը՝ դրանք արմատավորելով սովորողի արժեհամակարգի մեջ ու դնելով վերջինիս բարոյական դաստիարակության հենքում: Ուսուցիչը պետք է սովորողին չպարտադրի կարծիք կամ դիրքորոշում: Բնագրի ընթերցումից հետո սովորողն ինքը պետք է հնարավորություն ունենա տեսնել Թաթուլի ուժը, Նադիր Եմիի խորամանկությունն ու նենգությունը և թմկա տիրուհի անմտությունն ու հիմարությունը:

Այստեղ կարևոր է առակերտակենտրոն մոտեցումը: Վեհնի դիագրամի, երկսյուն կամ եռասյուն աղյուսակների միջոցով

սովորողները կարող են հատկանշավորել հերոսներին, գտնել դրական ու բացասական հատկանիշները, դերախաղի միջոցով հարցեր ուղղեն գլխավոր կերպարներին: Արդյունքում՝ ուսուցիչը, ուսումնական նյութի ուսուցմանը զուգահեռ, սովորողների մեջ դաստիարակում է բարոյական բարձր արժեքներ:

Դիմելով երեխաներին՝ ասում է. «Դուք պետք է նախաչեք ձեզ. իրեն նախաչելը ամենամեծ հաղթանակն է: Չպետք է մեծամտել. երեխայի ամենամեծ թշնամին մեծամտությունն է ներքին կարողության»: Թումանյանին կամփի ուժ ավող կարևոր հոգեբանական-մանկավարժական գործոններից մեկը լավատեսությունն էր: Նրա ստեղծագործությունները սովորողներին ուժ և կամփ են տալիս, նրա հերոսներն ուղղորդում են, սովորեցնում, զգուշացնում, մատնացույց անում արատներն ու կյանքի վատ կողմերը: Մեծ բանաստեղծի արարչագործության ակունքները ժողովրդական բանահյուսության մեջ են, այստեղից է նաև հարուստ բառապաշարը, առածների ու ասացվածքների, առակների ու ավանդությունների զարմանահրաշ իմացությունը:

Ծնվելով Լոռվա բնաշխարհում, ապրելով մեծ նահապետական ընտանիքում՝ Թումանյանը սնվել է մարդկային բարձր արժեքներով, մաքրամաքուր բնության ու առափինի մոր՝ Սոնայի տված բանահյուսական գոհարներով, հայ ժողովրդի բառ ու բանով, երգ ու գրույցով: 8-րդ դասարանում ծրագրով նախատեսված հաջորդ ուսումնականն նյութը «Փարվանա» բալլադի ուսումնասիրությունն է: Բալլադի հիմքը վերցված է ժողովրդական բանահյուսությունից: Սյուժեն Թումանյանը լսել է Ներսիսյան դպրոցում, իր ընկեր, հետագայում՝ մանկավարժ

և լեզվաբան Գրիգոր Վանցյանից: Բալլադը գրվել է 1902

թվականին, Աբասթուանում: Հովհաննես Թումանյանը

«Փարվանա» բալլադի մեջ ցույց է տվել, թե ինչ կարող է պատահել ագահ մարդկանց հետ: Այստեղ ագահության գոհ է դառնում արքայի դատարկամիտ դուստրը, նրա չափից դուրս անիրականալի ցանկության պատճառով: Այսպիսով, պախարակելով ագահությունը, Թումանյանն իր կոչն է հղում ընթերցողին՝ օրինակնով ամրապնդելով իր գաղափարը:

Ուսուցչի խնդիր այս պարագայում էլ նույնն է. հեղինակի խոսքը հասցնել սովորողին՝ թույլ տալով, որ վերջինս ինքնուրույն եզրահանգումներ կատարի, գտնի ստեղծագործության լավ ու վատ կողմերը:

Միջին դպրոցում Թումանյանի ստեղծագործությունների

ուսումնասիրությունը եզրափակում են ֆառյակները:

Թումանյանի ֆառյակները, չնայած իրենց փոքր ծավալին,

նույնպես մեծապես կարող են նպաստել սովորողների

արժեհամակարգի ձևավորման վրա: Թումանյանը

գեղարվեստական այս ժանրի մասին ասել է. «Քառյակը

պեզիայի մինիատյուրն է, նուրբ հաշակի բան: Քառյակները

պետք է կարդալ հանգիստ ու ծանր և ամեն մարդ չի կարող

հասկանալ, գնահատել: Մարդիկ կան, որ ֆառյակները

ոտանավորի նման են կարդում. պարզ տեսնում են, որ չի

հասկանում թե ինչ բան է ֆառյակը»:

Ինչքան ցավ են տեսել ես,

Նենգ ու դավ են տեսել ես,

Տարել, ներել ու սիրել,

Վատը՝ լավ են տեսել ես:

Ահա այս չորս ֆառատողում Թումանյանը գրել է

փլիլիստփայական մեծ գաղափար: Թումանյանը, խոսելով ցավի ու տառապանիքի մասին, ի վերջո ցույց է տալիս իր հոգու լավատեսությունը, լավը, բարին տեսնելու հույսն ու կարողությունը:

Այսպիսով, կարող եմք արձանագրել, որ հասարակության կորիզը գիտելիքներով զինված, արժեհամակարգ ունեցող, մարդասեր ու կառուցողական ֆաղափացին է: Կարծում եմ՝ ուսումնադաստիարակչական գործընթացը գործի է դնում իր ողջ մարդկային ներուժը՝ հմուտ ուսուցիչներին, որ ՀՀ յուրաքանչյուր ֆաղափացին լինի հենց այդպիսին: Իսկ այդ բարդագույն խնդրի լուծման հանապարհին Թումանյանի խոսքն ու գաղափարներն իսկանան օգնություն են ուսուցչին, ֆանի որ իրենց մեջ ունեն վեհ գաղափարների գովերգում, վատի ու արատավորի դատապարտում:

1.3 Նախագծային աշխատանք՝ «Հովի. Թումանյան» թեմայի ուսուցման շրջանակներում

ՆԱԽԱԳԾԱՅԻՆ ԱՇԽԱՏԱՆՔ

ԹԵՄԱ՝ «Ամենայն հայոց բանաստեղծը»

ԱՌԱՐԿԱ՝ «Գրականություն»

ԴԱՍԱՐԱԲ՝ 8-րդ

Ուսուցիչը կատարում է աշխատանքի բաժանում՝ դասարանը բաժանելով 3 խմբի:

ԽՈՒՄԲ-1

Այս խմբում ընդգրկված սովորողները այցելում են գրադարան, ծանոթանում Թումանյանի մասին մի շարք կենսագրական մանրամասների, ընթերցում նամակներ, հոդվածներ, մեծերի կարծիքը բանաստեղծի մասին, հուշեր: Ուսումնասիրված նյութը հավաքում, համակարգում են՝ կազմելով հետազոտական աշխատանք:

ԽՈՒՄԲ-2

Սովորողները, կիրառելով ՏՀՏ գործիքներ, ստեղծում են տեսասահիկ և տեսահոլովակ Թումանյանի մասին՝ հիմն ընդունելով առաջին խմբի կատարած հետազոտական աշխատանքը:

ԽՈՒՄԲ-3

Այս խմբի սովորողներն էլ բեմադրում են «Թմկաբերդի առումը» պոեմը՝ բեմադրության վերջում ներկայացնելով սեփական կարծիքները:

Նախագծային աշխատանքի ամփոփման ժամանակ սովորողները միասին քննարկում են աշխատանքը և որոշում, որ նախագծի ներկայացումը հարկավոր է իրականացնել Դսեղ գյուղում:

Ճանաչողական էֆսկուրսիայի շրջանակներում բանաստեղծի սուրն-թանգարանի բակում սովորողները ներկայացնում են իրենց բազմաբաղադրիչ նախագծային աշխատանքը:

Ստացվեց, որ սովորողն ինքը դարձավ հետազոտող, փնտրեց, գտավ, համակարգեց՝ արդյունքում հավաքելով գիտելիքների ու կարողունակությունների մեծ պաշար: Ընդհանուր

աշխատանքային միջավայրի արդյունքում որևէ սովորող

ուղղակիորեն չի կարող պասիվ դերում լինել, քանի որ ինքն է

իր գիտելիքը հավաքում, այստեղ ուսուցչի միջամտությունը

բացակայում է: Աշխատանքի ընթացքում սովորողներն էլ ավելի

	մտերմացան, քանի որ բազմաթիվ աշխատանք էին մեկ նպատակի շուրջ:
Օգտագործված մեթոդները, գործիքները	<ul style="list-style-type: none"> • Համեմատական մեթոդ • Վերլուծական մեթոդ
Իրականացման ժամանակահատվածը	1 ամիս 20.08– 20.09
Թիրախ խումբը և շրջանակը /հանակ, սեռային բաշխում/	8-րդ դասարանի սովորողներ 12 տղա 18 աղջիկ

Եզրակացություններ, առաջարկություններ (1-2 էջ)

Վերհանված արդյունքներ, եզրակացություններ, պատասխանատուական հարցեր	<p>ԵԶՐԱԿԱՑՈՒԹՅՈՒՆՆ ԵՐ ԵՎ ԱՌԱՋԱՐԿՈՒԹՅՈՒՆՆԵՐ</p> <p>Հետազոտության թեմայի շրջանակներում կատարված եզրահանգումներն են՝</p> <ul style="list-style-type: none"> • Գրականության ուսուցիչը պետք է ուղղորդի սովորողին, որպեսզի վերջինս ճիշտ կողմնորոշվի, որևէ կերպ չպետք է պարտադրել
-------------------------------------------------------------------	-------------------------------------------------------------------------------------------------------------------------------------------------------------------------------------------------------------------------------------------------------------------------------------------

սովորողին սեփական կարծիքը, հարկավոր է ամեն կերպ խթանել վերջինիս ինֆորմացիայությունն ու ֆենադատական մտածողությունը:

- Հարկավոր է Գեղարվեստական գրականության մեջ առկա դրական օրինակի օգնությամբ սովորողի մոտ բարձր արժեքներ ձևավորել:
- Ուսուցիչը պետք է անդադար կատարելագործի իր մանկավարժական հմտությունները, կիրառի նոր մեթոդական հնարներ, որոնց թվում նախագծային ուսուցման մեթոդը:
- Ժամանակի մարտահրավերներով պայմանավորված՝ ուսուցիչը պետք է ուսումնառության գործընթացի վերջնարդյունքը կառուցի կարողունակությունների ձևավորման վրա:
- Հետադարձ կապը պետք է ուսուցչի համար դառնա ուսումնական գործընթացը մշտադիտարկելու և համակարգելու գործիք:
- Սովորողի համար պետք է ստողծել այնպիսի միջավայր, որտեղ նա իրեն պահանջված ու կարևոր կզգա և բաց կլինի համագործակցության ու կարծիքների փոխանակման համար:

	<p>Առաջարկում ենք, որ առանձնակի ուշադրություն դարձվի բումանյանական գրական ժառանգության ուսումնասիրությանը: Կարծում ենք, որ հանրակրթական դպրոցում սովորողը պետք է հանաչի ոչ միայն Թումանյան գրողին, այլ պետք է ծրագրում, որպես ուսումնառական նյութ, ներառել նաև վերջինիս հրապարակախոսությունները, հոդվածները, նամակներն ու հուշերը: Թումանյանին պետք է հանաչել, տեսնել: Բանաստեղծի կյանքի ու գործունեության մասին զանազան տեսաֆիլմերի դիտումը, այցելւթյանները նրա տուն- թանգարաններ, միջոցառումների ու գրական երեկոների կազմակերպումը սովորողներին կտա հնարավորություն ավելի խորախի ուսումնասիրել մեծն մտածողի գաղափարները, որոնք սերունդներ են կրթել ու, վստահաբար, դեռ հարատւելու են, ինչպես ինքը՝ Թումանյանը: Իսկ նախագծային ուսուցումն այս համատեքստում ունի կարևոր ու անփոխարինելի նշանակություն համալիր գիտելիքների ու կարողունակությունների ձեռքբերման տեսանկյունից:</p>
Այլ տեղեկատվություն	

Օգտագործված գրականության ցանկ

- <http://boon.am/learning/> Նախագծային ուսուցում. Ալեքսանդր Շագաֆյան (Կրթության ամենուր և բոլորին):
- <https://www.arlis.am/documentview.aspx?docid=71908> «Հանրակրթության մասին» ՀՀ օրենք:
- ՀՀ Կառավարության՝ 08.04.2010 թվականի թիվ 439-Ն-ը որոշում «Հանրակրթության պետական չափորոշի ձևավորման և հաստատման կարգը և հանրակրթության պետական չափորոշիչը հաստատելու, Հայաստանի Հանրապետության կառավարության 2004 թվականի մայիսի 27-ի N 771-Ն և հունիսի 17-ի N 900-Ն-ը որոշումներն ուժը կորցրած հանաչելու մասին»:
- <https://www.grakantert.am/archives/12211> Թումանյանի ասույթները, Գրական թերթ, 15. 02. 2019:
- <https://hasmiktagvoryan.wordpress.com/2014/02/20/> Թումանյանը՝ ֆառյակների մասին:
- <https://flihtml5.com/fumf/uybc> Հայ գրականության 8-րդ դասարանի դասագիրք, էջ 163:
- Ю. Г. Шихваргер, «Метод проектов в профессиональном обучении педагогов», Новосибирск 2013.

Չավելվածներ

**Չաշվետվոկոթյան կցված
նյուկթեր**

<http://www.toumanian.am/>

- Հետազոտության գործիքներ (հարցաթերթիկներ կամ այլ)
- Նկարներ
- Արդյունքներ